

影刊宋金元明本詞

第二七册



景宋本中興啟來

絕妙詞選十卷

絕妙詞集序

長短句 唐盛于

宋唐詞 其載花間集

宋詞多 曾端伯所編而復雅一

集又兼采唐

宋迄于

宣和之季凡四千三百餘首吁亦備  
矣况

中興以來作者繼出及乎近世人各  
有詞二各有體知之而未見二之而  
未盡者不勝算也暇日裒集得數百  
家名之曰紹妙詞選佳詞豈祇畫錄



必嘗鼎一臠而已然其盛麗如游金  
張之堂妖冶如攬嬌施之祛悲壯如  
三閭豪俊如五陵花前月底舉杯清  
唱合以紫箏節以紅牙飄二鉗作騎  
鶴揚州之想信可樂也親友劉誠甫  
謀葉諸梓傳之好事者此意善矣又

錄余舊作數十首附於後不無珠玉  
在側之愧有愛我者其為刪之淳祐  
己酉百五玉林



詞選序

古樂府不作而後長短句出焉我  
朝鉅公勝士娛戲文章亦多及  
此然散在諸集未易編窺 玉  
林此選博觀約取發妙音於衆

樂至奏之際出玉珍於萬寶  
畢陳之中使人得一編則可  
以盡見詞家之奇厥功不亦茂  
乎 玉林又蚤棄科舉雅意讀  
書間從吟詠自適 閣學受

齋游公嘗稱其詩為晴空冰  
柱 閩帥秋房樓公聞其與  
魏菊莊為友併以泉石清士目  
之其人如此其詞選可知矣淳  
祐己酉上巳前進士胡德方

季直序

中興以來絕妙詞選綱目

花菴詞客編集

卷之一

康伯可 二十三首

陳去非 七首

李漢老 五首

葉少蘊 七首

曾公衮 三首

曾純甫 十四首

曾旼父 三首

呂居仁 十二首

朱希真 十首

朱雍 三首

張仲宗 十二首

卷之二

劉彥冲 二首

趙元鎮 十一首

王民瞻 五首

李似之 二首

張材甫 九首

張安國 二十四首

吳彥高 二首

楊廷秀 二首

吳大年 二首

范至能 七首



陸務觀 二十首

卷之三

張功甫 十五首

胡仲任 一首

張東父 五首

韓无咎 三首

辛幼安 四十二首

京仲遠 五首

姚令威 五首

卷之四

吳子和 十六首

鄭中卿 五首

謝勉仲

十首

趙文鼎

十四首

趙德莊

五首

黃子厚

三首

趙昌甫

二首

韓仲止

一首

易彥祥

二首

蔡行之

一首

陳同甫

七首

李居厚

六首

李知幾

四首

游子明

三首

危逢吉

三首

卷之五

劉德脩

十首

李子大

一首

李子清

二首

李子永

一首

李子召

一首

李子秀

一首

劉改之

十首

劉叔擬

十七首

嚴次山

三十首

嚴少魯

二首

卷之六

馬莊父

十一首

姜堯章

三十四首

高賓王

二十首

卷之七

史邦卿

十七首

卓稼翁

三首

崔正子

一首

魏華父

四首

劉潛夫

四十二首

劉伯寵

五首

卷之八

劉叔安

二十二首

施乘之

一首

戴式之

十首

盧印之

二十四首

李公甫

一首

卷之九

張宗瑞 三首

宋謙父 六首

王子文 一首

曹西士 一首

李俊明 一首

趙用父 一首

黃子魯 一首

潘庭堅 一首

吳毅甫 十三首

王實之 七首

方千里 三首

劉靜甫 五首

卷之十

劉圻父

八首

吳君特

九首

陳敬叟

二首

馮熙之

五首

馮偉壽

六首

李芸叟

一首

連可久

一首

洪升璵

十六首

附錄

黃叔暘

三十八首

中興以來絕妙詞選綱目

絕妙詞選卷之一

宋詞 南陵以後諸賢

康伯可

名與之號順庵 渡江初有聲樂府受知秦

申王王薦於 太上皇帝以文詞待詔金馬

門凡中具粉飾治具及 慈寧歸養 兩宮歡集必假

伯可之歌詠故應制之詞為多書市刊本皆假托其名

今得官本乃其婿趙善負及其友陶安世所校定篇二

精妙汝陰王性之一代名士嘗稱伯可樂章非近代所

及今有晏叔原亦不得獨擅蓋知言云

瑞鶴仙 上元應制

瑞煙浮禁苑正絳闕春回新正方半冰輪桂華滿溢花衢歌  
市芙蓉開遍龍樓兩觀見銀燭星球有爛捲珠簾近日笙歌  
盛集宝釵金釧 堪羨綺羅叢裏蘭麝香中正宜遊翫風柔

夜暖花影乱笑声喧鬧蛾兒滿路成團打塊簇着冠兒闌轉  
喜皇都舊日風光太平再見按此詞進入太上皇帝極稱  
賞風柔夜煖以下至於未章賜金甚厚

瑞鶴仙別恨

薄寒羅袖怯教小玉添香被翻宮禩蘭缸半明滅聽幾聲歸  
鴈一簾微月情波恨葉索新詞猶自怨別夢回時雪暖酥凝  
掠鬢宝鴛釵折淒切紋窻插綉舊譜尋棊變成虛設同心  
對結重來是甚時節悵姑蘇臺上征帆何許隱二遙山万疊  
袖紅綃獨立无言偷彈淚血

漢宮春

慈寧殿元夕被

旨作

雲海沉二峭寒收建章雪殘鵲華灯照夜万井禁城行樂  
春隨鬢影映參差柳絲梅萼丹禁杳鰲峰對聳三山上通寥  
廓春衫綉羅香薄步金蓮影下三千綽約冰輪桂滿皓色



冷浸樓閣霓裳帝樂奏昇平天風吹落留鳳輦通宵宴賞莫  
放漏聲閑却

喜迂鶯丞相生日

臘殘春早正簾幕護寒樓臺清曉寶運當千佳辰餘五嵩岳  
誕生元老帝遣阜安宗社人仰雍容廊廟及揔道是文章孔  
孟勲庸周召師表方眷遇魚水君臣須信從來少玉帶金  
魚朱顏綠鬢占斷世間榮耀篆刻鼎彝將遍整頓乾坤都了  
願歲二見柳梢青淺梅英紅小此詞金佳惜皆媚竈之語蓋  
為檜相作耳

喜迂鶯秋夜聞鴈

秋寒初勁看雲路鴈來碧天如鏡湘浦煙深衡陽沙遠風外  
幾行斜陣回首塞門何處故國關河重省漢使老認上林欲  
下裴回清影江南煙水暝聲過小樓燭暗金猊冷送日鳴

琴裁詩桃錦此恨此情无尽夢想洞庭飛下散入雲濤千頃  
過尽也柰杜陵人遠玉関无信

醜奴兒令

促養直赴雪夜溪堂之約

馮夷翦碎澄溪練飛下同雲著地无痕柳絮梅花处二春  
山陰此夜明如晝月滿前村莫掩溪門恐有扁舟乘興人

醜奴兒令

自嶺表還臨安作

紅樓紫陌青春路柳色皇州月澹煙柔晷二亭二不自由  
舊時扶上彫鞍处此地重遊揔是新愁柳自輕盈水自流

訴衷情令

登鬱孤臺与施德初同讀坡詩作

鬱孤臺上立多時煙晚暮雲低山川城郭良是回看昔人非  
今古事祗堪悲此心知一樽芳酒慷慨悲歌月墮人歸

訴衷情令

長安懷古

阿房廢址漢荒坵狐兔又群遊豪華尽成春夢留下古今愁

君莫上古原頭淚難收夕陽西下塞鴈南飛渭水東流

菩薩蠻令 長安懷古

秦時宮殿咸陽裏千門万户連雲起復道亘西東不禁三月  
風 漢唐乘王氣萬歲千秋計畢竟是荒丘荆榛滿地愁

菩薩蠻令 金陵懷古

龍蟠虎踞金陵郡古來六代豪華盛縹鳳不來遊臺空江自  
流 下臨全楚地包舉中原勢可惜草連天晴郊狐兔眠

感皇恩 幽居

一雨一番涼江南秋興門掩蒼苔鎖寒徑紅塵不到盡日鳥  
啼人靜綠荷風已過搖香柄 澹陰未解園林清潤一片飛  
花墮紅影殘書讀尽袖手高吟清詠任從車馬客勞方寸

洞仙歌令 荷花

若耶溪路別岸花無數欲飲嬌紅向人語與綠荷相倚恨回

首西風波淼二三十六陂煙雨 新粧明照水汀渚生香不  
嫁東風被誰誤遣踟躕騷客意千里二仙浪遠何處凌波  
微步想南浦潮生盡撓婦正月曉風清斷腸凝佇

賣花声

閨思

蹙損遠山眉幽怨誰知羅衾滴尽淚烟脂夜過春寒愁未起  
門外鷓啼惆悵阻佳期人在天涯東風頻動小桃枝正是  
銷魂時候也撩乱花飛

賣花声

閨思

愁撚斷釵金遠信沉二秦箏調怨不成音郎馬不知何處也  
樓外春深好夢已難尋夜二餘衾目窮千里正傷心記得  
當初郎去路綠樹陰二

江城子

越臺春遊作

南溪二月雨初晴四郊明暖風輕一雨一風鋪地落紅英枝

上流鶯啼勸我春欲去且留春 登臨行樂慰閑情過長亭  
暮潮平四面青蕪中是越王城信馬行吟歸路晚山簇二柳  
陰二

風入松 春晚

一宵風雨送春歸綠暗紅稀盡樓整日无人到与誰同撚花  
枝門外薔薇開也枝頭梅子酸時 玉人應是數歸期翠斂  
愁眉塞鴻不到雙魚遠嘆樓前流水難西新恨欲題紅葉東  
風滿院花飛

風入松 閨思

碧苔滿地襯殘紅綠樹陰濃曉鶯啼破眉心事舊愁新恨重  
重翠黛不忺重掃佳時每恨難同 花開花謝任東風此恨  
无窮夢魂擬逐楊花去帶人休下簾櫳要見只憑清夢幾時  
真箇相逢

謁金門 暮春

春又晚風勁落紅如剪睡起綉床飛絮滿日長門半掩不  
管離腸欲斷聽盡梁間雙燕試上小樓還不見樓前芳草遠

長相思 遊西湖

南高峯北高峯一片湖光煙靄中春來愁殺儂 郎意濃妾  
意濃油壁車輕郎馬驄相逢九里松

應天長 閨思

管絃綉陌灯火畫橋塵香舊時歸路腸斷蕭娘舊日風簾映  
朱戶鶯能舞花解語念後約頓成輕負緩彫轡獨自歸來凭  
欄情緒 楚岫在何處香夢悠 花月更誰主凋悵後期空  
有鱗鴻寄紉素枕前淚窻外雨翠幕冷夜涼虛度未應信此  
度相思寸腸千縷

玉樓春令

青牋後約無憑據誤我碧桃花下語誰將消息問劉郎悵望  
玉溪二上路春來無限傷情緒擬欲題紅都寄與東風吹  
落一庭花手把新愁無寫處

憶秦娥 春思

春寂寞長安古道東風惡東風惡胭脂滿地杏花零落 臂  
銷不柰黃金約天寒尚快春衫薄春衫薄不禁搵淚為君彈  
却

陳去非

名去義自号簡齋居士以詩文被簡注於高宗皇帝入參大政有無住詞一卷詞雖不

多語意超絕識者謂其可摩坡仙之壘也

臨江仙 夜登小閣憶吳中舊遊

憶昔午橋二上飲坐中多是豪英長溝流月去無聲杏花花踈  
影裏吹笛到天明二十餘年成一夢此身雖在堪驚馬閑登

小閣看新晴古今多少事漁唱起三更

臨江仙端午

高詠楚詞酬午日天涯節序匆二榴花不似舞裙紅無人知  
此意歌罷滿簾風 万事一身傷老矣戎葵凝笑墻東酒杯  
深淺去年同試澆橋下水今夕到湘中

虞美人邢子友會上

超然堂上閑賓主不受人間暑冰盤圍坐此間无却有一瓶  
和露玉美蕖亭二風骨涼生牖更尽尊中酒二闌踏月轉  
城西照見幅巾藜杖帶香歸

虞美人祖席醉中

張帆欲去仍搔首更醉君家酒吟詩日二待春風及至桃花  
開後却匆二 歌声頻為行人咽記着樽前雪明朝酒醒大  
江流滿載一船離恨向衡州



漁家傲 福建道中

今日山頭雲欲卷青蛟素鳳移時舞行到石橋聞細雨聽還  
住風吹却過溪西去我欲尋詩寬久旅桃花落尽春无数  
渺二藍輿穿翠楚悠然处高林忽送黃鸝語

菩薩蠻 荷花

南軒面對芙蓉浦宜風宜月還宜雨紅少綠多時簾前光是  
奇繩床烏木几及日繁香裏睡起一篇新与花爲主人

南歌子 塔院僧閣

矯二千年鶴注二万里風欄干三面看秋空背插浮屠千尺  
冷煙中林鳩村二暗溪流處二通此間何似玉霄峰遥望  
蓬萊依約晚雲東

李漢老

名邴号雲龕居士其伯父昭玘字成季元祐  
名士漢老才李世其家者也建炎二年入翰

林從 駕南渡

漢宮春 梅花

灞灑江梅向竹梢  
踈處橫兩三枝  
東君也不愛  
惜雪壓霜欺  
元情燕子怕春寒  
輕失花期  
惟是有南來塞鴈  
年年長見開時  
清淺小溪如練  
問玉堂何似  
茅舍踈籬  
傷心故人去後  
冷落新詩  
微雲淡月對孤芳  
分付它誰  
空自倚清香  
未減風流不在人知

洞仙歌 柳花

一團嬌軟是將春  
揉做撩亂隨風到  
何處自長亭人去後  
烟草萋迷  
歸來了裝點離愁  
無數飄揚  
无个事剛被  
縈牽長是黃昏怕微雨  
記那回深院靜  
簾幕低垂  
花陰下霎時留住  
又只恐伊家忒踈狂  
鷲地和春帶將歸去

小冲山 立春

誰勸東風臘裏來不知天待雪惱江梅東郊寒色尚徘徊  
雙綵燕飛傍鬢雲堆玉冷曉粧臺宜春金縷字拂香腮紅羅  
先綉踏青鞋春猶淺花信更須催

木蘭花美人書字

沉吟不語晴窻畔小字銀鈎題欲遍雲情散亂未成篇花骨  
軟斜終帶軟重二說盡情和怨珍重提携常在眼暫時得  
近玉尖纖翻羨縷金紅象管

清平樂閨情

露花烟柳春思濃如酒幾陣狂風新雨後滿地落紅鋪綉  
風流何處踈狂厭二恨結柔腸又是危闌獨倚一川煙草斜  
陽

葉少蘊

名夢得自号石林居士妙齡秀發有文章盛  
名早受知於蔡元長建炎初召為戶侍入翰

苑參大政以節度使致仕

賀新郎 春晚

睡起流鶯語掩蒼苔房櫳向曉亂紅無數飛  
殘花無人見惟有垂楊自舞漸暖靄初回  
輕暑宝扇重尋明月影暗塵侵尚有乘鸞女  
驚舊恨鎮如許江南夢斷蘅皋渚浪黏天蒲  
萄漲綠半空煙雨无限樓前滄波意誰采蘋  
花寄取但悵望蘭舟容与万里雲帆何時到  
送孤鴻目断千山阻誰為我唱金縷

江神子 湘靈鼓瑟

銀濤无际卷蓬瀛落霞明暮雲平遙見青鸞紫鳳  
丁層城二十五絃彈不及空感槩有餘情蒼梧雲  
水断歸程卷霓旌為誰迎空有千行流淚寄幽貞  
舞罷魚龍雲海冷千古恨入江聲

浣溪沙 重陽前一日

小雨初回昨夜涼，繞籬新菊已催黃。碧雲无际卷蒼江。千里斷鴻供遠目，十年芳草掛愁腸。緩歌聊與送清觴。

念奴嬌 中秋燕客

洞庭波冷望永輪，初轉滄海沉。二萬頃孤光，雲陣卷長笛吹。破層陰，洶湧三江銀濤无际。遙帶五湖深酒闌，歌罷至今鼉鼓龍吟。回首江海平生，漂流容易散佳會。難尋縹緲高城，風露爽，獨倚危檻。重臨醉倒清樽，常娥應笑，猶有向來心廣。寒宮殿爲余，聊借瓊林。

虞美人 雨後置酒林檎花下

落花已作風前舞，又送黃昏雨。曉來庭院半殘紅，惟有游絲千丈舞晴空。殷勤花下重携手，更尽樽中酒。美人不用歛歌眉，我亦多情無奈酒闌時。

醉蓬萊 上巳日有懷許下西湖

問春風何事斷送繁紅便拚歸去牢落征途笑行人羈旅一曲陽關斷雲殘靄做渭城朝雨欲寄離愁綠陰千轉黃鸝空語 遙想湖邊浪搖空翠絃筦風高亂花飛絮曲水流觴有山翁行處翠袖朱欄故人應也弄畫船煙浦會寫相思尊前為我重翻新句

鷓鴣天 元夕

夾路行歌及落梅篆煙香細裊寒灰雲移碧海三山近月破中天九陌開 追樂事惜多才車聲遙聽殷晴雷十年夢斷鈞天奏猶記流霞醉後杯

曾日公袞

名紆号空青先生子宣之子  
官至中奉大夫直宝文閣

臨江仙 感舊

後院短墻臨綠水春風急管繁絃問誰親按小嬋娟玉堂真  
李士琳館地行仙安得此身來此處依倚一夢梨園江南  
刺史謾垂涎據鞍腸已斷何況到尊前

洞仙歌感舊

相如當日曾奏凌雲賦落筆縱橫妙風雨記揚鞭輦路同醉  
金明同勝賞不管重城已暮舊游如夢竟零落朋儕遺墨  
淋漓尚如故况神州北望今已丘虛傷白壁久埋黃土但一似  
靈光巋然存振明月清風更無玄度

菩薩蠻月夜

山光冷浸清溪底溪先直到柴門裏卧對白蘋洲敲眠數鈞  
舟溪山无限好恨不相逢早老病獨醒多如此良夜何

曾純甫

名覲号海野東都故老及見中興之盛者詞  
多感槩如金人捧露盤憶秦娥等曲悽然有

黍離之悲

金人捧露盤 庚寅春奉使過京師

記神京繁華地舊游蹤正御溝春水溶溶平康巷陌綉鞍金  
勒躍青驄解衣沽酒醉絃筦柳綠花紅到如今餘霜鬢嗟  
前事夢魂中但寒煙滿目飛蓬雕欄玉砌空餘三十六離宮  
塞笳驚起暮天鴈寂寞東風

南柯子 元夜

璧月窺紅粉金蓮映綵山東風絲管滿長安移下十洲三島  
在人間 兩二人初散厭二夜向闌倦粧殘醉怯輕寒手撚  
玉梅無緒倚闌干

憶秦娥 邯鄲道上望叢臺有感

風蕭瑟邯鄲古道傷行客傷行客繁華一瞬不堪思憶叢臺  
歌舞無消息金尊玉管空陳迹空陳迹連天草樹暮雲凝碧



朝中措 維揚感懷

雕車南陌碾香塵。一夢尚如新。回首舊游何在，柳煙花霧，迷春。如今霜鬢愁停短棹，懶傍清尊。二十四橋，風月尋思，只有銷魂。

蝶戀花 惜春

翠箔垂雲香噴霧。年少踈狂，載酒尋芳路。多少惜花春意緒。勸人金盞歌金縷。桃杏飄零風景暮。只有閑愁，不逐流年去。舊事而今誰共語。畫樓空指行雲處。

訴衷情 宮怨

建章宮殿晚生寒。飛雪點朱欄。舞腰緩隨檀板，輕絮帶春閑。愁思亂，酒腸慳。漏將殘。玉人今夜，滴粉搓酥，應斂眉山。

感皇恩 重到臨安作

依舊惜春心。花枝常好，只恐樽前被花笑。少年青鬢，耐得幾

番重到舊歡慵記省如天杳  
綺陌青門斜陽芳草今古銷  
沈送人老帝城春事又是等閑來了亂紅隨過兩鶯聲悄

眼兒媚 閨思

花近清明晚風寒錦幄獸香殘醺二醉裏匆二相見重聽哀  
彈春情入指鶯聲碎危柱不勝絃十分得意一場輕夢淡  
月闌干

南鄉子 別意

霜月晚雲收蕭瑟西風滿院秋雅會難期嗟易散遲留把酒  
聽歌且勸酬 万事拚悠二 只有情親未意休後夜扁舟煙  
浪裏回頭乘二丹楓總是愁

阮郎歸 上苑初夏侍宴池上雙飛新燕掠水而去  
得 旨賦之

柳陰庭館占風光呢喃清晝長碧波新漲小池塘雙二蹴水

忙 萍散漫絮飄揚輕盈躡態狂爲憐流去落紅香街將歸  
盡梁

沁園春 初冬夜坐聞淮上捷音次韻

更漏迢 乍寒天氣盡燭對床正井梧飄砌邊鴻度月故人  
何處水遠山長老去功名年來情緒寬尺寒衣銷舊香除非  
是仗蠻牋象管時伴吟窓 詞章莫話行藏且喜見捷書來  
帝鄉看銳師雲合妖氛電掃隋堤官柳依舊成行夢繞它年  
青門紫陌對酒花前歌正當空成恨柰潘郎兩鬢新點吳霜  
菩薩蠻 次韻龍深甫春日即事

杏花寒食佳期近一簾煙雨琴書潤砌下水潺 二玉笙吹暮  
寒 陽臺雲易散往事尋思懶花底醉相扶當時人在无

採桑子 清明

清明池館晴還雨綠漲溶 二花裏遊蜂宿粉樓香錦綉中

玉簫聲斷人何處，依舊春風。萬點愁紅，亂逐煙波，揔向東

柳梢青 待宴禁中和張知閣應 制作

梅粉輕勻，和風布暖，香徑無塵。鳳閣凌虛，龍池澄碧，芳意鱗鱗。清時酒聖，花神見內，死風光又新。一部仙韶，九曲鴛鴦，仗

天上長春

### 曾、公、父

名惇以故相之孫，工文辭，播在樂府。平康皆習歌之，有詞一卷，謝景思為序。

念奴嬌 送淮漕錢處和

繡衣直指，問凌風一笑，翩然何許。詔出層霄，持漢節，千里秋風淮浦。鑑遠江山，竹西歌吹，曾被腥膻。活須君椽筆，為渠一洗塵土。休厭共倒金荷，翠眉重為唱，渭城朝雨。看即揚鞭歸騎穩，還指鬱葱深處。寶帶兼金，華鞵新綉，直上雲霄去。回頭莫忘，玉霄今夜風露。

訴衷情別意

鄞江雲氣近蓬萊花柳滿城隈風流謝守相遇應覆故人杯  
煙浪暖錦帆回莫徘徊玉霄亭下為藥茶藤都望歸來

浣溪沙

無數春山展畫屏無窮煙柳照溪明花枝缺處小舟橫  
紫禁正須紅藥句清江莫與白鷗盟主人元自是仙鄉

呂居仁

名本中号紫微申公之孫舜徒之子嘗集江西宗派詩紹興初賜進士第除右史中書舍人

滿江紅幽居

東里先生家何在  
山陰溪曲對一川  
平野數聞茅屋昨夜江  
頭新雨過門前  
流水清如玉抱小橋回合柳參天  
搖新綠  
踈籬下叢菊虛簷外  
蕭蕭竹歎古今得失是非榮辱須信  
人生歸去好  
世間萬事何時足  
問此春釀酒何如今朝熟

採桑子 別情

恨君不似江樓月南北東西南北東西只有相隨無別離  
恨君却似江樓月暫滿還虧暫滿還虧待得團圓是幾時

菩薩蠻 夜宴

高樓只在斜陽裏春風淡蕩人都喜携客不嫌頻使君如酒  
醇花光人不曾月色須君醉月色与花光共成今夜長

南歌子 旅思

驛路侵斜月溪橋度曉霜短籬殘菊一枝黃正是乱山深处  
過重陽旅枕元無夢寒更每自長只言江左好風光不道  
中原歸思轉淒涼

減字木蘭花 憶舊

去年今夜同醉月明花樹下今夜江邊月暗長堤柳暗船  
故人何處帶我離愁江外去來歲花前還似今年憶去年

長相思 閨詞

要相志不相志玉樹郎君月艷娘幾回曾斷腸 欲下床却  
上床上得床來思舊鄉北風吹夢長

踏莎行 梅雪

雪似梅花梅花似雪似和不似都奇絕惱人風味阿誰知請  
君問取南樓月 記得去年探梅時節老來舊事無人說為  
誰醉倒為誰醒到今却怕輕離別

生查子 離思

双双小鳳斜淡二鴉兒穩一曲渭城歌柳色饒春恨 離觴  
洗別愁酒尽愁難尽空瑟鴈縱橫誰寄天涯信

生查子 離思

人分南浦春酒把陽關盡衣帶自无情頓為離人緩 愁隨  
苦海深恨逐前峯遠更聽斷腸猿一似聞絃鴈

蝶恋花春詞

巧語嬌鶯春未暮  
楊柳風流恰過池塘  
兩芳草滿庭花滿樹  
无情胡蝶飛來去  
睡起小奩香一縷  
玉篆回紋等个人分  
付桃葉不言人不語  
眉尖一點君知否

如夢令憶舊

海鴈橋邊春苦幾見落花飛絮  
重到柳行西  
懶問畫樓何處  
凝竚凝竚  
十頃荷花風雨

清平樂柳塘書事

柳塘新漲艇子操  
雙槳閑倚曲欄成  
悵望是處春愁一樣  
傍人幾點飛花夕陽又送  
栖鴉試問畫樓西畔  
暮雲恐近天涯

朱希真

名敦儒博物洽間東都名士  
南渡初以詞章擅名天資曠遠有神仙風致其西江月



曲辭淺意深可以警世之役之於非望之福者

念奴嬌 梅詞

見梅驚笑問經年何處收香藏白似語如愁却問我何苦紅  
塵久客觀裏栽桃仙家種杏到處成疎隔千林无伴淡然獨  
傲霜雪 且与管領春回孤標爭肯接雄蜂雌蝶豈是无情  
知受了多少淒涼風月寄驛人遥和羹心在忍使芳塵歇東  
風寂寞可人誰為攀折

水龍吟 感事

放船千里凌波去略爲吳山留頌雲屯水府濤隨神女九江  
東注北客翩然壯心偏感年華將暮念伊嵩舊隱巢由故友  
南柯夢遽如許 回首妖氛未掃問人間英雄何處竒謀報  
國可憐无用塵昏白羽鐵鎖橫江錦帆衝浪孫郎良舌但愁  
敲桂擢悲吟梁甫淚流如雨

採桑子亂後錄

扁舟去作江南客，旅鴈孤雲，万里烟塵，回首中原淚滿巾。  
碧山相映汀洲冷，楓葉芦根，日落波平，愁損辭鄉去國人。

減字木蘭花懷感

古人誤我獨舞西風，雙淚墮，鶴去無蹤，木落西陵，返照紅。  
人間難住，擲下酒杯，何處去，樓鎖鍾殘，山北山南兩點煙。

東風吹盡江梅橘，花開舊日吳王宮殿，長青苔。今古事英  
雄，淚老相催，常恨夕陽西去，晚潮回。

西江月警悟

世事短如春夢，人情薄似秋雲，不須計較苦勞心，万事元來  
有命。幸遇三盃酒美，况逢一朵花新，片時歡笑且相親，明  
日陰晴未定。

西江月 自樂

日三深盃酒滿朝二小園花開自歌目舞自開懷且喜无拘  
无礙 青史幾番春夢紅塵多少奇才不須計較与安排願  
取而今見在

卜筮子 除夕

江上見新年二夜聽春雨有箇人三領略春粉淚紅輕注  
深勸玉西東低唱黃金縷撚底梅花揔是愁酒尽人歸去

鷓鴣天 自述

我是清都山水郎天教分付与踈狂曾批給兩支風券屢上  
留雲借月章 詩万首酒千觴幾曾着眼看侯王玉樓金闕  
慵歸去且插梅花醉洛陽

鷓鴣天 歲暮

檢尽曆頭冬尺殘愛它風雪耐它寒拖條竹杖家二酒上箇

籃輿處二山 添老大轉癡頑 謝天教我老來閑 道人還了  
鴛鴦債 紙帳梅花醉夢間

朱雍

紹興中乞召試賢良  
有梅詞二卷行于世

憶秦娥 懷人

風蕭蕭 二驛亭春信期 春潮期 春潮黃昏浮動誰在江皋 碧  
雲冉冉 橫溪橋 瓊車未至 餘香飄餘香飄 一簾踈影月在花  
梢

好事近 梅

春色為誰來 枝上半留殘雪 恰近小園香徑 對霜林寒月  
危欄悽斷 笛聲長吹到 偏嗚咽 最好短亭歸路 有行人先折  
謁金門

春太早 十二玉樓初曉 半額試粧 深院悄相逢 何草二  
臨

水幽香縹緲彷彿淡粧窺照拾值日邊人未到紛二蔡古道

張仲宗

三山人 紹興戊午之和胡澹庵上書乞斬  
時相坐謫新州仲宗以詞送行後併得罪

賀新郎 送胡邦衡謫新州

夢繞神州路悵秋風連營畫角故宮離黍底事崑崙傾砥柱  
九地黃流亂注聚萬落千村狐兔天意從來高難問况人情  
易老悲如許更南浦送君去 涼生岸柳銷殘暑耿斜河踈  
星淡月斷雲微度万里江山知何處回首對床夜語鴈不到  
書成誰与目尽青天懷今古肯兒曹恩怨相尔汝牽大白唱  
金縷

賀新郎 寄李伯紀丞相

曳杖危樓去斗垂天滄波万頃月流煙渚掃尺浮雲風不定  
未放扁舟夜渡宿鴈落寒芦深处悵望闕河空吊影正人間

鼻息鳴鼉鼓誰伴我醉中舞 十年一夢揚州路倚高寒愁  
生故國氣吞驕虜要斬樓蘭三尺劍遺恨琵琶舊語謾暗澁  
銅花塵土喚取謫仙平章看過茗溪尚許垂綸否風浩蕩欲  
輕牽

滿江紅旅思

春水連天桃花浪幾番風惡雲乍起遠山遮尺晚風還作綠  
遍秀洲生杜若楚帆帶雨煙中落認向來沙觜共停橈傷飄  
泊 寒猶在衾偏薄腸欲斷愁難着倚蓬窗无寐引盃孤酌  
寒食清明都過了可憐孤負年時約想小樓日二望歸舟人  
如削

蘭陵王春遊

卷珠箔朝雨輕陰乍閣闌干外煙柳弄晴芳草侵階映紅藥  
東風妬花惡吹落梢頭嫩萼屏山掩沈水倦熏中酒心情怕

杯勺 尋思舊京洛正年少踈狂歌笑迷著障泥油壁催梳  
掠曾馳道同載上林携手燈夜初過早共約又爭信漂泊  
寂寞念行樂甚粉淡衣襟音斷絃索瓊枝壁月春如昨悵別  
後華表那回双鶴相思除是向醉裏暫忘却

蘭陵王 春思

綺霞散空碧留晴向晚東風裏天氣困人時節秋千閉深院  
簾旌翠波颭窻影殘紅一線春光好花臉柳腰勾引芳菲開  
鶯燕 閑愁費消遣想蛾綠輕顰鵝鑑新怨單衣欲試寒猶  
淺羞衾鳳空展塞鴻難托誰問潛寬舊帶眼念人似天遠  
迷戀畫堂宴看最樂王孫濃艷爭勸蘭膏宝篆春宵短擁檀  
板低唱玉杯重暖衆中先醉謾倚檻早夢見

念奴嬌 秋思

江天雨霽正露荷擎翠風槐搖綠試問秦樓今夜裏秋到闌

千幾曲笑撚黃花重題紅葉无柰歸期促暮雲千里桂華初  
綻寒玉 有誰伴我淒涼除非分付与杯中醽醁水本无情  
山又遠回首煙波雲木夢繞西園魂飛南浦自古情難足舊  
遊何處落霞空映孤鷺

石州慢 初春感舊

寒水依痕春意漸回沙際煙闊溪梅晴照生香冷蘂數枝爭  
發天涯舊恨試看幾許消魂長亭門外山重疊不尽眼中青  
怕昏黃時節 情切盡樓深閉想見東風暗消肌雪辜負枕  
前雲雨樽前花月心期切處更有多少淒涼殷勤留去歸時  
說到得再相逢恰經年離別

青玉案 憶舊

華裾玉轡青絲鞵記年少金吾從花底朝回珠翠擁曉鐘初  
斷宿醒猶帶綠瑣窻中夢 天涯相遇懶鴛鳳老去堂成更



情重月轉簷牙雲遶棟涼吹香霧酒迷歌扇春筇傳杯送

臨江仙茶蘼有感

鶯喚屏山驚睡起嬌羞須索即扶荼蘼斗帳罷熏爐翠穿珠  
落索香泛玉流酥長記枕痕消醉色日高猶倦粧梳一枝  
春瘦想如初夢迷芳草路望斷素鱗書

浣溪沙別意

燕掠風簷欸二飛艷桃穠李鬧長堤騎鯨人去曉鶯啼可  
意湖山留我住斷腸煙水送君歸三春不是別離時

漁家傲

樓外天寒山欲暮溪邊雪後藏雲樹小艇風斜沙嘴露流年  
度春光已向梅梢住短夢今宵還到否葦村四望知何處  
客裏從來無意緒催歸去故園正要鶯花主

謁金門道山亭餞張椿老赴行在

風露底石上岸巾愁起月到房心天似水亂峯清影裏  
此  
云登瀛瀕記今夕道山同醉春殿明年人共指玉皇香案吏

絕妙詞選卷之二

宋詞

劉彥沖

名子翬號屏山先生劉忠顯公之子朱文公之師有屏山文集行于世小詞附其後

驀山溪九日

浮煙冷雨此日還重九秋去又秋來但黃花年二依舊平臺  
戲馬無處問英雄茅舍小竹籬踈兀坐空搔首客來何有  
草二三杯酒一醉萬緣空休貪它金印如斗病翁老矣誰共  
賦歸欬芟隴麥網溪魚未落它人後

滿庭芳和胡明仲桂花詞

秋入微陰涼生平遠小山愁絕天南似聞還斷飛策遍千岩  
葉底輕黃纂二惱人是微裂芳絨翛然勝清真冷淡無艷寄  
塵凡澄潭歆兩岸波光搖動碧影相參任西風十里吹度

松杉我自寒灰槁木凝神處不覓醺酣歸來晚飛花无迹明  
月滿空函

趙元鎮

名鼎號得全居士 中興  
名相詞婉媚不減花間集

蝶恋花 春思

尽日東風吹綠樹向晚輕寒數點催花兩年少淒涼天賦与  
更堪春思縈離緒 臨水高楼携酒处曾倚哀絃歌断黄金  
缕楼下水流何処去凭欄目送蒼烟暮

點絳唇 春愁

香冷金炉夢回鴛帳餘香嫩更無人問一枕江南恨 消瘦  
休文頓覓春衫褪清明近杏花吹尽薄暮東風緊

點絳唇 惜別

惜別傷離此生此念无重數故人何処還送春歸去 美酒

一杯誰解歌金縷无情緒淡煙踈雨花落空庭暮

賀聖朝

秋思

斷霞收尽黃昏雨滴梧桐踈樹簾櫳不卷夜沈  
鎖一庭風露天涯人遠心期夢悄苦長宵難度知它窻外促織兒有許多言語

浣溪沙

美人

艷春嬌入眼波勸人金盞緩聲歌不禁粉淚搵香羅暮  
雨朝雲相見少落花流水別離多寸腸爭奈此情何

畫堂春

春日

空籠簾影隔垂楊夢回芳草池塘杏花枝上蝶双  
春晝初長強理雲鬟臨照暗彈粉淚沾裳日憐容艷惜流光无限  
思量

醉桃園

春晚

青春不與花為主，花正開時春暮。花下醉眠，林訢看取春歸去。鶯愁蝶怨，春知否？欲問春歸何處？只有一樽芳醕，留得青春住。

人月圓 中秋

連環宝瑟深，願結尽一生愁。人間天上佳期，勝賞今夜中秋。雅歌妍態，常娥見了，應羨風流。芳樽美酒，年二歲二月滿，高樓。

怨春風 閨怨

宝鑑凌花，瑩孤鶯慵，韶影魚書蝶夢。兩消沈恨，結尽丁香瘦。如楊柳，兩疎雲冷。宿醉厭，病羅巾空淚粉，欲將遠意託湘絃，悶。二二香絮悠，二畫簾悄，二日長卷困。

滿江紅 丁未九月南渡泊舟儀真江口

慘結秋陰，西風送絲。雨濕凝望，眼征鴻幾字。暮投沙磧，欲

往鄉閩何處是水雲浩蕩連南北但脩眉一抹有无中遙山  
色天涯路江上客腸已斷頭應白空搔首只嘆莫年離隔  
欲待忘憂除是酒柰酒行有尽愁无極便挽將江水入樽壘  
澆胃臆

西江月 福唐別故人

世態浮雲易變時光飛箭難留五年重見海東頭只有交情  
似舊未及別來深意難堪老去離愁青山迢遞水悠二明  
日扁舟病酒

王民瞻

名庭珪號瀘溪先生廬陵人弃官養志二十  
年紹興辛酉胡澹庵謫新州民瞻以詩送

之云癡兒不了公家事男子要爲天下奇坐是除名編

隸辰州

感皇恩 留別

一葉下西風寒生南浦  
椎鼓鳴鐃送君去  
長亭把酒却倩阿  
誰留住樽前人似玉  
能留否  
醉中暫聽離歌  
幾許聽不能  
終淚如雨  
无情江水斷送扁舟  
何處歸時  
煙浪捲朱簾暮

點絳脣 感舊

花外紅樓當時青鬢  
顏如玉  
淡煙殘燭醉入花間宿  
白髮相逢猶唱當時曲  
當時曲斷絃難續  
且尽盃中醪

鳳樓梧 王彥恭生日

瓊海无邊銀浪捲  
畫戟朱樓縹緲雲間見  
當日使君曾擁傳  
海霞光裏時開讌  
翠竿紅鱗吹酒面  
莫謂今朝人在天涯  
遠  
彩鳳銜書應不晚  
願公難老身長健

滿庭芳 戊辰上元黃子餘席上時未有月

宿雨初收晚風微度  
万家簾捲青煙暗  
塵隨馬人物似神仙  
試問天公借月  
天須放明月教圓  
應移下廣寒宮殿  
灯火接



星躔 盧川元古郡當時大守賓從俱賢到如今萬共歌吹  
喧闐花下紅粧賣酒時相遇曲水橋邊誰知道山城父老重  
見中興年

桃源憶故人辰州泛舟送郭景文周子康赴行在  
催花一霎清明雨留得東風且住兩岸柳汀煙塢未放行人  
去 人如雙鷓鴣雲開峯明夜扁舟何處只向武陵南渡便是  
長安路

李似之

名弥遜自號筠翁 中興  
初名士不附秦檜坐貶

勝二慢木犀

龍涎燒就沈水熏成分明亂屑瓊瑰一朵才開人間十里先  
知此花大即不大有許多瀟洒清奇較量盡銷勝如茉莉賽  
得荼縻 更被秋光撥送放些兒月照着陣風吹惱殺多情

猛拚沉醉酬伊朝暮守定仍忙時也不相離睡夢裏膽  
瓶兒枕畔數枝

菩薩蠻

江城烽火連三月不堪對酒長亭別休作斷腸聲老來無淚  
傾風高帆影疾目送舟痕碧錦字幾時來薰風無鴈回

張材甫

名掄號蓮社居士南渡故老及  
見太平之盛者集中多應制詞

柳梢青 侍宴

柳色初勻輕寒似水纖雨如塵一陣東風縠紋微皺碧沼鱗  
二 仙娥花月精神奏鳳管鶯絲鬪新萬歲聲中九霞杯裏  
長醉芳春

蝶戀花 海棠

前日海棠猶未破點點胭脂染就真珠顆今日重來花下坐

亂鋪宮錦春无那  
賸摘繁枝簪幾朵  
痛惜深憐只恐芳菲  
過醉倒何妨花底卧  
不須紅袖來扶我

臨江仙 禁中丹桂

玉宇涼生清禁曉  
丹葩色照晴空  
珊瑚敲碎小玲瓏  
人間无  
此種來自廣寒宮  
雕玉闌干深院靜  
嫣然凝笑西風曲屏  
須占一枝紅  
且圖歌醉枕香到夢  
竟中

臨江仙 車駕朝享景靈宮久雨一夕開霽

聞道彤庭森宝仗  
霜風逐雨驅雲  
六龍扶輦下青冥  
香隨鳶  
扇遠日射赭袍明  
簾捲天街人隘路  
滿城喜望清塵歡聲  
催起嶺梅春  
欲知天意好  
昨夜月華新

西江月 瑞香

剪就碧雲開葉刻  
成紫玉芳心  
淺春不怕峭寒侵  
暖徹薰籠  
瑞錦花裏清芬獨步  
樽前勝韻難禁  
飛香直到玉杯深  
消

得厭  
痛飲

朝中措 夜景

燈花挑尽夜將闌，斜掩小屏山。一點涼蟾，窺幔釧敲玉臂，生  
寒。起來無緒，爐薰燼冷，桐葉聲乾。都把沈思幽恨，明朝分  
付眉端。

燭影搖紅 上元有懷

雙闕中天鳳樓十二，春寒淺。去年元夜奉宸游，曾侍瑤池宴。  
玉殿珠簾，盡捲擁群仙。蓬壺閭苑五雲深。處萬燭光中，揭天  
絲管。馳隙流年，恍如一瞬。星霜換。今宵誰念泣孤臣，回首  
長安遠。可是塵緣未斷，謾惆悵華胥夢短。滿懷幽恨，數點寒  
燈，幾聲歸鴈。

浣溪沙 和曾純甫題謝氏小閣

築室崢嶸占宝峯，退朝燕坐萬緣空。出塵高志抗冥鴻。何

日嘉招陪一笑看君豪飲釀千鐘試憑鄙句作先容

霜天曉角別恨

曉風搖幕欹枕聞殘角霜月可窻寒影金猊冷翠衾薄 舊恨无処着新愁還又作夜二單于声裏灯花共淚珠落

張安國

名孝祥號于湖歷陽人以妙年射策魁天下不數載入直中書有紫微雅詞湯衡爲序稱

其平昔爲詞未嘗著稊筆酣與健頃刻即成无一字无來処如歌頭凱歌諸曲駿發蹈厲寓以詩人句法者也

六州歌頭

長淮望斷闕塞莽然平征塵暗霜風勁悄邊声黯銷凝追想當年事殆天數非人力洙泗上絃歌地亦羶腥隔水蘊鄉落日牛羊下區脫縱橫看名王宵獵騎火一川明笳鼓悲鳴遣人驚 念腰間箭匣中劔空埃蠹竟何成時易失心徒壯歲

將零渺神京干羽方懷遠靜烽燧且休兵冠蓋使紛馳騫若  
為情聞道中原遺老常南望翠葆霓旌使行人到此忠憤氣  
填膺有淚如傾

水調歌頭 凱歌寄湖南安撫劉舍人

猩鬼嘯篁竹玉帳夜分弓少年荆楚劔客突騎錦襜紅千里  
風飛雷厲四校星流彗掃蕭斧挫春葱談笑青油幕日奏捷  
書同 詩書帥黃閣老黑頭公家傳鴻宝秘略小試不言功  
聞道奎書頻下看即沙堤歸去帷幄且從容君王自神武一  
奉朔庭空

水調歌頭 舟過金山寺

江山自雄麗風露与高寒寄声月姊借我玉鑑此中看幽壑  
魚龍悲嘯倒影星辰搖動海氣夜漫三擁起白銀闕危駐紫  
金山 表獨立飛玉佩整雲冠漱冰濯雪眇視万里一毫端

回首三山何處聞道羣仙笑我要我欲俱還揮手從此去翳  
鳳更驂鳶

水調歌頭 隱靜寺觀雨寺有碧霄泉

青嶂度雲氣幽壑舞回風江神助我雄觀喚起碧霄龍電掣  
金蛇千丈雷震靈鼉萬壘洶 欲崩空 盡瀉銀潢水散入寶  
蓮宮 坐中客凌積翠看奔洪人間應失匕箸唯我獨從容  
淨洗從來塵垢潤及無邊枯槁造物不言功天宇忽開霽日  
在五雲東

滿江紅 秋懷

秋滿灘源瘴雲淨曉山如簇動遠思空江小艇高丘喬木策  
二 西風雙鬢底暉 二 斜日朱欄曲試側身回首望京華迷南  
北 思歸夢天邊鵲遊宦事蕉中鹿想一年好處砌紅堆綠  
羅帕分柑霜落齒冰盤剥芡珠盈掬借春纖縷鱸搗香壑新

筠熟

念奴嬌 欲雪呈朱漕

朔風吹雨送淒涼天意垂二欲雪万里南荒雲霧滿弱水蓬萊相接凍合龍崗寒侵銅柱碧海冰澌結憑高一笑問君何處炎熱家在楚尾吳頭歸期猶未對此驚時節記得年時貂帽煖鐵馬千羣觀獵狐兔成車歌鍾殷地歸踏層城月持盃且醉不須北望淒切

念奴嬌 洞庭

洞庭青草近中秋更无一點風色玉界瓊田三万頃着我扁舟一葉素月分輝銀河共影表裏俱澄澈怡然心會妙處難与君說應念嶺海經年孤光自照肝肺皆冰雪短髮蕭騷襟袖冷穩泛滄浪空闊尽挹西江細傾北斗万象為賓客扣舷一笑不知今夕何夕



念奴嬌 離思

星沙初下望重湖遠水長雲漠漠一葉扁舟誰念我今日天涯飄泊平楚南來大江東云處風波惡吳中何地滿懷俱是離索長記送我行時綠波亭上泣透青羅薄檣燕低飛人去後依舊湘城簾幕不盡山川無窮烟浪辜負秦樓約漁歌聲斷爲君雙淚傾落

木欄花 離思

送歸雲去鴈淡寒彩滿溪樓正佩解湘腰釵孤楚鬢鴛鑑分收凝情望行處路但踈烟遠樹織離憂只有樓前溪水伴人清淚長流霜華夜永逼衾裯喚誰護衣篝念粉館重來芳塵未掃爭見嬉遊情知悶來殢酒柰回腸不醉只添愁脉脉無言竟日斷魂雙鷺南州

木欄花 別情

紫簫吹散後恨燕子只空樓念璧月長虧玉簪中折覆水難  
收青鴛送碧雲句道霞高霧鎖不堪憂情與文梭共織怨隨  
宮葉同流 人間天上兩悠悠二暗淚洒灯篝記谷口園林當  
時驛舍夢裏曾遊銀屏低聞笑語但夢時二醒時愁擬把  
菱花一半試尋高價皇州

雨中花長沙

一葉凌波十里御風烟鬢兩鬢蕭二認得江皋玉珮水館水  
綃秋淨明霞乍吐曙涼宿靄初消恨微顰不語欲進還休凝  
竚超遙 神交二舟二愁思盈二斷魂欲遣誰招還似待青鴛  
傳信烏鵲成橋悵望胎仙琴疊羞看翡翠蘭苕夢回人遠紅  
雲一片天際笙簫

驀山溪春情

雄風豪雨時節清明近簾幙起輕寒煖紅炉笑翻灰炆陰藏

遲日欲驗幾多長，綉工慵圍碁倦。香篆頻銷印，茂林芳徑  
綠變紅添潤。桃杏意酣，占前頭一番花信。華堂尊酒，但作  
艷陽歌禽，聲喜流雲，盡明日春遊俊。

鷓鴣天 長沙餞劉樞密

浴殿西頭白玉堂，湘江東畔碧油幢。北辰躔次瞻星象，南斗  
山川解印章。隨步武，借恩光。送君先促舍人裝。他年真肯  
傳衣鉢，今日先須酌一觴。

鷓鴣天 春情

日二青樓醉夢中，不知樓外已春濃。杏花未遇踈行雨，楊柳  
初搖短風。扶盡鷓鴣躍花驄。湧金門外小橋東。行二又入  
笙歌裏，人在珠簾第幾重。

菩薩蠻 舟中

十年長作江南客，檣竿又挂西風席。白鳥去邊明，楚山無數

青 倒冠仍落珮我醉君同醉試問識君不青山与白鷗

菩薩蛮 杏花

東風約略吹羅幕一簷細雨春陰薄試把杏花看濕紅嬌暮  
寒 佳人双玉枕烘醉鴛鴦錦折得最繁枝暖香生翠幃

鵲橋仙

橫波滴素遙山蹙翠江北江南腸斷不知何處御風來雲霧  
裏釵橫鬢亂 香羅疊恨蛮牋寫意付与瑤臺女伴醉時言  
語醒時愁道說与醒時休看

鵲橋仙 梅

吹香成陣飛花如雪不那朝來風雨可憐无处避春寒但玉  
立仙衣數縷 清愁万斛柔腸千結醉裏一時分付勸君不  
用嘆飄零待結子成陰歸去

西江月 黃陵廟

滿載一船明月平鋪千里秋江波神留我看斜陽喚起鱗二  
細浪 明日風回更好今朝露宿何妨水晶宮裏奏霓裳準  
擬岳陽樓上

西江月 洞庭

問訊湖邊春色重來又是三年東風吹我過湖船楊柳絲二  
拂面 卅路如今已慣此心到處悠然寒光亭下水連天飛  
起沙鷗一片

西江月 為劉樞密太夫人壽

疇昔通家事契即今兩鎮交承起居樞密太夫人綠髮斑衣  
相映 乞得神仙九醞祝教福祿千春台星直上壽星明長  
見門闌鼎盛

憶秦娥 雪

雲垂幕陰風慘淡天花落天花落千林瓊玖滿空鳶鶴 征

車渺二 穿華薄路迷二 路增離索增離索楚溪山水碧湘樓閣

憶秦娥 梅

梅花發寒梢挂着瑶臺月 瑶臺月和羹心事履霜時節 斷  
橋流水声鳴咽行人立馬空愁絕 空愁絕為誰凝佇為誰攀  
折

憶秦娥 元夕

元宵節鳳樓相對鰲山結 鰲山結香塵隨步柳梢微月 多  
情又見珠簾揭游人不放笙歌歇 笙歌歇曉烟輕散帝城宮  
闕

吳彥高

名激 先朝故 臣米元章之婿

春從天上來 會寧府遇老姬善鼓瑟自言梨園舊籍

海角飄零嘆漢苑秦宮墜露飛螢夢裏天上金屋銀屏歌吹  
競舉青冥問當時遺譜有絕藝鼓瑟湘靈促哀彈似林鶯嘒  
二山溜冷二 梨園太平樂府醉幾度春風鬢變星二舞徹  
中原塵飛滄海風雪万里龍庭寫胡笳幽怨人憔悴不似丹  
青酒微醒一軒涼月灯火青熒 三山鄭中卿從張貴謨使虜  
日聞有歌之者

青衫濕 宴北人張侍御家有感

南朝千古傷心地還唱後庭花舊時王謝堂前燕子飛入人  
家 恍然在遇天姿勝雪宮鬢堆鴉江州司馬青衫濕淚同  
是天涯右二曲皆精妙悽婉惜無人拈出今錄入選必有能  
知其味者

楊廷秀

名万里號誠齋吉州人以道德風節照映一世實為四朝壽俊

念奴嬌

上章乞休置戲作小詞自賀

老夫歸去有三徑足可長拖衫袖一道官銜清徹骨別有監  
臨主守主守清風監臨明月兼管栽花柳登山臨水作詩三  
首兩首 休說白日昇天莫誇金印斗大懸双肘且說廬陵  
新盛事三个閑人眉壽揀罷軍負歸農押錄致政誠齋叟只  
愁醉殺螺江門外私酒吉有螺江門

憶秦娥

初春

新春早春前十日春歸了春歸了落梅如雪野桃紅小老  
夫不管春催老只圖爛醉花前倒花前倒兒扶歸去醒來窻  
曉

吳大年

名億 渡江初人

燭影搖紅 元夕



樓雪初消麗譙吹罷單于晚使君千炬起班春歌吹香風煖  
十里珠簾尽捲人正在蓬壺閱苑賣薪買酒立馬傳觴昇平  
重見誰識遨頭去年曾侍傳柑宴至今衣袖帶天香行處  
氤氳滿已是春宵苦短更莫遣歡遊意懶細聽歸路壁月光  
中玉簫声遠

南鄉子 江上

江上雪初消暖日晴烟弄柳條認得裙腰芳草綠魂銷曾折  
梅花過斷橋潘鬢爲誰凋長恨金閨閉阿嬌遙想晚粧呵  
手罷天饒更傍朱唇暖玉簫

范至能

名成大號石湖居士孝宗朝入參大政詩  
文超絕三高亭記天下之人誦之嘗爲蜀帥

每有篇章即日傳布人以先覩爲快

眼兒媚 萍鄉道中乍晴卧輿中困甚小憇柳塘

酹二日脚紫烟浮妍暖破輕裘困人天色醉人花氣午夢扶頭春慵恰似春塘水一片縠紋愁溶二曳二東風无力欲皺還休

一落索南浦舟中与江西帥漕酌別夜後忽大雪

畫戟錦車皆雅故簫鼓留連客住南浦春波暮難忘羅幃生塵處明日船旗應不駐且唱斷腸新句捲尽珠簾兩雪花一夜隨人去

菩薩蠻元夕立春

雪林一夜收寒了東風拾向灯前到今夕是何年新春新月圓綺叢香霧隔猶記醒狂客留取縷金幡夜蛾相並看

菩薩蠻湘東驛

客行忽到湘東驛明朝真是瀟湘客晴碧万重雲幾時逢故人江南如塞北別後書難得先自鴈來稀那堪春半時

滿江紅清江風帆甚快作此与客劇飲歌之

千古東流聲捲地雲濤如屋橫浩渺檣竿十丈不勝帆腹夜  
雨翻江春浦漲船頭鼓急風初熟似當年呼禹亂黃川飛梭  
速擊楫誓空驚俗休拊髀都生肉任炎天冰海一杯相屬  
荻筍萋芽新入饌鷓絃鳳吹能翻曲笑人間何處侶尊前添  
銀燭

謁金門宜春道中野塘春水可喜有懷舊隱

塘水碧仍帶麴塵顏色泥二縠紋无氣力東風如愛惜拾  
似越來溪側也有一双溪鶻只欠柳絲千百尺繫船春弄笛

秦樓月

寒食日湖南提李胡元高家席上聞琴

湘江碧故人同作湘中客湘中客東風回鴈杏花寒食温  
二月到藍橋側醒心絃裏春无極春无極明朝殘夢馬嘶南

陌

陸務觀

名游號放翁山陰人官至煥章閣待制劉漫塘云范至能陸務觀以東南文墨之彥至能

為蜀帥務觀在幕府主賓唱酬短章大篇人爭傳誦之

水龍吟春日遊摩訶池

摩訶池上追遊路紅綠參差春晚韶光妍媚海棠如醉桃花  
欲暖挑菜初閑禁烟將近一城絲管看金鞍爭道香車飛蓋  
爭先占新亭館惆悵年華暗換黯銷魂兩收雲散鏡奩掩  
月釵梁折鳳秦箏斜鴈身在天涯亂山孤壘危樓飛觀歎春  
來只有楊花和恨向東風滿

沁園春別恨

一別秦樓轉眼新春又近放灯憶盈二倩笑纖二柔握雪香  
花語玉暖酥凝念遠愁腸傷春病思自怪平生殊未曾君知  
否漸香消蜀錦淚漬吳綾難求繫日長繩况倦客飄零少

舊朋但江郊鴈起漁村笛怨寒缸委  
烟昏雲慘縱有高臺常怯登消覓處是魚箋不到蘭夢無憑

月照梨花閨思

霽景風軟烟江春漲小閣無人綉簾半上花外姊妹相呼約  
檣浦脩蛾忘了章臺樣細思一餉感事添惆悵曾酥臂玉  
消減擬覓雙魚倩傳書

月照梨花閨思

悶已縈損那堪多病幾曲屏山伴人晝靜梁燕催起猶慵換  
熏籠新愁舊恨何時盡漸凋綠鬢小雨知花信芳牋寄與  
何處綉閣珠櫳柳陰中

夜遊宮記夢

雪曉清笳亂起夢遊處不知何地鐵騎無聲望侶水想關河  
鴈門西青海際睡覓寒灯裏漏聲斷月斜窻紙自許封侯

在万里有誰知鬢雖殘心未死

夜遊宮宴席

宴罷珠簾半捲畫簷外蠟香人散翠霧霏二漏聲斷倚香肩  
看中庭花影乱宛是高唐館宝奩炷麝烟初煖壁月何妨  
夜二滿擁芳柔恨今年寒尚淺

臨江仙晚春

鳩雨催成新綠燕泥收尽殘紅春光還与美人同論心空眷  
二分袂却匆匆二只道真情易寫那知怨句難工水流雲散  
各西東半廊花院月一帽柳橋風

釵頭鳳閨詞

紅酥手黃滕酒滿城春色宮牆柳東風惡歡情薄一懷愁緒  
幾年離索錯二二春如舊人空瘦淚痕紅浥鮫綃透桃花  
落閑池閣山盟雖在錦書難托莫二二

浪淘沙別恨

綠樹暗長亭幾把離尊陽關常恨不堪聞何況今朝秋色裏  
身是行人清淚浥羅巾各自消魂一江離恨恰平分安得  
千尋橫鐵鎖截斷江津

南鄉子賦歸

歸夢寄吳檣水驛江程去路長想見芳洲初繫纜斜陽烟樹  
參差認武昌愁鬢點新霜曾是朝衣染御香重到故鄉交  
舊少淒涼却恐他鄉勝故鄉

感皇恩感懷

小閣倚秋空下臨江渚漠漠孤雲未成雨數聲新雁回首杜  
陵何處壯心空万里人誰許黃閣紫樞築壇開府莫怕功  
名欠人做如今熟計只有故鄉歸路石帆山脚下菱三畝

好事近東歸書事

歲晚喜東歸掃尽市朝陳迹揀得乱山環処釣一潭澄碧  
賣魚沽酒醉還醒心事付橫笛家在万重雲外有沙鷗相識

蝶恋花寒食

陌上簫声寒食近雨過園林花氣浮芳潤千里斜陽鍾欲暝  
憑高望断南樓信海角天涯行略尽三十年間无処无遺  
恨天若有情終欲問忍教霜點相思鬢

蝶恋花懷別

水漾萍根風卷絮倩笑嬌顰忍記逢迎処只有夢魂能再遇  
堪嗟夢不由人做夢若由人何処去短帽輕衫夜二眉州  
路不怕銀缸深綉户只愁風断青衣渡

朝中措閨情

怕歌愁舞懶逢迎粧晚托春醒總是向人深処當時枉道无  
情関心近日啼紅密訴剪綠深盟杏館花陰恨淺畫堂銀



燭嫌明

鵲橋仙感舊

華灯縱博彫鞍馳射誰記當年豪峯酒徒一一取封侯獨去  
作江邊漁父輕舟八尺低篷三扇占斷蘋洲烟雨鏡湖元  
自屬閑人又何必君恩賜与

破陣子省乘

仕至千鍾良易年過七十常稀眼底榮華元是夢身後声名  
不自知營二端為誰幸有旗亭沽酒何妨繭紙題詩幽谷  
雲羅朝采藥靜院軒窗夕對碁不歸真个癡

玉胡蝶王忠州家席上

倦客平生行處墜鞭京洛解佩瀟湘此夕何年初賦宋玉高  
唐綉簾開香塵乍起蓮步穩銀燭分行暗端相燕羞鶯妬蝶  
遶蜂忙難忘芳樽頻勸峭寒新退玉漏猶長幾許幽情只

愁歌罷月侵廊欲歸時司空笑問微近處丞相嗔狂斷人腸  
假饒相送上馬何妨

如夢令 閨思

獨倚博山峯小翠霧滿身飛繞只恐孝行雲去作陽臺春曉  
春曉春曉滿院綠楊芳草

真珠簾 羈游有感

水村山館參差路感羈遊正似殘春風絮掠地復穿簾必竟  
歸何處鏡裏新霜空自門問幾時鴛臺鰲署遲暮謾憑高竚  
立書空獨語 自昔儒冠多誤梅當年早不抽身歸去醉下  
白蘋洲看夕陽鷗鷺蓴菜鱸魚都弃了只換得青衫塵土休  
頭早扁舟江上一簑烟雨

絕妙詞選卷之二

絕妙詞選卷之三

宋詞

張功甫

名鑑號約齋居士西秦人楊誠齋極稱其詩

賀新郎 李頤正路分見訪留飲書贈

看了梅花去要東風攀翻看雪与君同賦海內從來天際遠  
一笑平窺万古待剪尽燭花紅吐久矣南湖无此客似喬松  
万丈凌霄峯飛咳唾掃塵土 承平氣象森眉宇想天家驂  
鸞洞裏細煙冰霧我亦秦關歸未得誰念干將醉抚判良夜  
歌橫冠屢莫歎瀟湘居尚遠擁戎昭万騎鳴笳鼓雲正鎖汴  
京路

賀新郎 陳退翁分教衡湘將行酒闌索詞漫成

桂隱傳杯處有風流千巖韻勝太丘遺緒玉季金昆霄漢侶

平步鳶坡揮塵莫便駕飛颿煙渚雲動精神衡岳去向君山  
帝樂鏘韶濩蘭藝畹吊湘楚南湖老矣无襟度但樽前踉  
蹌醉影帽花顛仆只恐清時專文教猶貸陰山狂虜卧錦帳  
貔貅征鼓忠烈前勳賚万恨望神都魏闕奔狐兔呼翠袖爲  
君舞

夢遊仙 記夢

飛夢去閑到玉京遊塵絕天高那得暑月明雲薄澹於秋宮  
殿鎖金虬冰佩冷風颺紫綃裘五色光中瞻帝所方知碧  
落勝炎洲香霧濕簾鈎

木蘭花 癸丑年生日

年三三月二是居士始生朝念綠鬢功名初心已負難報劬  
勞天留帝城勝處匯平湖遠岫碧岩堯竹色詩書燕几柳陰  
桃杏橫橋西隣東舍不難招大半是漁樵任翁媪歡呼兒

孫歌笑野具村醪醉來更隨鶴舞看清風送月過松梢百歲  
因何快樂及從心地逍遙

木蘭花

甲寅三月中泚邀樓大防陳君李中書兩

舍人黃文叔待制彭子壽右史黃子由匠監沈  
應先大著過桂隱即席作

清明初過後正空翠靄晴鮮念水際樓臺城隅花柳春意无  
邊清時自多暇日看聯鑣飛蓋擁群賢朱邱橫經滿座紫微  
淵思如泉高情那更屬雲天語笑雜歌絃向啼鳩聲中落  
紅影裏忍貧芳年浮生轉頭是夢恐它時高會却難全快吐  
淋浪醉墨要令海內喧傳

漁家傲

漁翁

拂二春風生草際新晴萬景供遊戲鷗鷺飛來斜照裏金和  
翠分明畫出真山水遮箇漁翁无愠喜乾坤頓在孤篷底

一曲高歌千古意，閑來睡從教月到花汀外。

鵲橋仙 立秋後一夕

暑雲猶在澄空，欲變入夜徘徊。庭際新秋，知是昨宵來愛。殘月纖纖西墜，芭蕉老大流螢衰。健靜裏細觀天意，輕風未  
有半分涼，柰人道今宵好睡。

柳梢青 舟泊秦淮

天遠山圍，龍蟠淡靄，虎踞斜暉。幾度功名，幾番成敗，渾似鷗  
飛。樓臺一望淒迷，算到底空爭是非。今夜潮生，明朝風順，  
且送船歸。

江城子 夏夜觀月

飛來冰雪冷無聲，可中庭。骨毛清。卧看東南，和露兩三星。驀  
地神遊天上去，呼彩鳳，駕雲駟。望舒宮殿玉崢嶸。桂千層。  
宝香凝，搗藥仙童，邀我論長生。一笑歸來人未睡，花送影上

窻櫺

昭君怨 月夜賞荷花

月在碧虛中住人向亂荷中去花氣雜風涼滿船香 雲被  
歌声搖動酒被詩情撥送醉裏卧花心擁紅衾

八声甘州

中秋夜作

歎流光迅景百年間能醉幾中秋正淒蛩鳴砌驚鳥翻樹煙  
淡蘋洲誰喚金輪出海不帶一雲浮纔上青林頂俄轉朱樓  
人老歡情宜減料素娥信我不爲閑愁念幾番清夢常是  
故鄉留倩風前數声横管叫玉鸞騎向碧空遊誰能碩黍炊  
榮利蟻戰怨讎

滿江紅 小圃玉照堂賞梅呈洪景廬內翰

玉照梅開三百樹香雲同色光搖動一川銀浪九霄珂月幸  
遇勛華時世好歡娛况是張灯夕更不邀名勝賞東風真堪

惜盤詰手春秋筆今內相斯文伯肯閑迂軒蓋遠過泉石奇  
事人生能幾見清樽花畔須教側到鳳池却欲醉鷗邊應難得  
念奴嬌登平江齊雲樓夜飲双瑞堂呈雷吏部

東吳名勝有高樓直在浮雲齊處十二闌干邀遠望歷二斜  
陽煙樹香徑人稀稊廊山遶往事今何許一天和氣為誰吹  
散疎雨知是蘭省星郎朱輪森戟与風光為主暇日登携  
多雅致容我追隨臨賦小宴重開晚寒初勁還下危梯去燭  
華紅墜瑞堂猶按歌舞

燭影搖紅灯夕玉照堂梅花正開

宿雨初乾舞梢煙瘦金絲裊嫩雲扶日做新晴舊碧尋芳草  
幽徑蘭芽尚小恠今年春歸太早柳塘花院万朶紅蓮一宵  
開了梅雪翻空忍教空對東風老粉圍香陣擁詩仙戰退  
春寒峭現樂歌彈鬧曉宴親賓團藥同笑醉歸時候月過珠



樓參橫蓬島 柳塘花院現樂皆家中堂名也

滿庭芳 促織兒

月洗高梧露溥幽草寶釵樓外秋深土花沿翠螢火墜墻陰  
靜聽寒聲斷續微韻轉淒噎悲沉爭求侶殷勤勸織促破曉  
機心 兕時曾記得呼灯灌穴斂步隨音任滿身花影猶自  
追尋携向華堂戲鬪亭臺小籠巧粧金今休說從渠牀下涼  
夜聽孤吟

胡仲任

名仔若溪人嘗  
編漁隱叢話

感皇恩 自得

乞得夢中身 歸樓雲水始 覓精神 自家底 峭帆輕棹時 与白  
鷗遊戲 畏途都不管 風波起 光景如梭 人生浮靡 百歲何  
妨 尽沉醉 卧龍多事 謾說三分 奇計 算來爭 侶我長昏睡

張東父

名震號无隱居士詞甚  
婉媚盖富貴人語也

蝶恋花惜春

梅子初青春已暮芳草連雲綠遍西池路小院綉乘簾半  
牽街泥紫燕双飛去人在赤欄橋畔住不解傷春還解相思  
否清夢欲尋猶間阻紗窓一夜蕭蕭雨

鷓鴣天怨別

寬尽香羅金縷衣心情不似舊家時万絲柳暗才飛絮一點  
梅酸已着枝金底背玉東西前歡贏得兩相思傷心不及  
風前燕猶解穿簾度幕飛

鷓鴣天春暮

橫素橋邊景最佳綠波清淺見瓊沙銜泥燕子迎風絮得食  
魚兒趁浪花春已暮日初斜畫船簫鼓是誰家蘭橈欲去

空留戀醉倚闌干看晚霞

驀山溪 春半

青梅如豆斷送春歸去小綠間長紅看幾處雲歌柳舞偎花  
識面對月共論心携素手採香遊踏遍西池路 水邊朱戶  
曾記銷魂處小立背秋千空悵望娉婷韻度楊花撲面香糝  
一簾風情脉脉酒厭厭回首斜陽暮

驀山溪 初春

春光如許春到江南路柳眼弄晴暉笑梅老落英無數峭寒  
庭院羅幙護窻紗金鴨暖錦屏深曾記看承處 雲邊尺素  
何計傳心縷無處說相思空惆悵朝雲暮雨曲闌干外小立  
近黃昏心下事眼邊愁借問春知否

韓无咎

名元吉號南澗名家文獻  
政事文章為一代冠冕

水龍吟

題三峯閣詠英華女子

兩餘疊巘浮空望中秀色仙都是洞天未鎖人間春老玉妃  
曾墜錦瑟繁絃鳳簫清響九霄歌吹問分香舊事劉郎去後  
知誰伴風前醉 回首暝烟千里但紛二落紅如泪多情易  
老青鴛何許詩成誰寄斗轉參橫半簾花影一溪寒水悵飛  
鳧路杳行雲夢斷有三峯翠

謁金門

春雪

春尚淺誰把玉英裁剪  
似道梅梢開未遍  
卷簾花滿院樓  
上酒融歌暖樓下水平煙  
遠却似湧金門外見  
絮飛波影亂

水調歌頭

九日

今日我重九莫負菊花開  
試尋高處携手躡屐上  
崔嵬放目  
蒼岩万仞雲護曉霜成陣  
知我與君來古寺倚脩竹  
飛檻絕  
纖埃笑談間風滿座酒盈杯  
仙人跨海休問隨處是蓬萊

落日平原西望鼓角秋深悲壯戲馬但荒臺細把茱萸看一  
醉且徘徊

# 辛幼安

名弃疾號稼軒

瑞鶴仙題南劍双溪樓

片帆何太急望一葉須臾去天咫尺舟人好看客似風濤三  
峽峩峩劔戟溪南溪北正遐想幽人泉石被漁樵指點危樓  
却羨舞筵歌席歎息山林鍾鼎意倦情遷本无欣戚轉頭  
陳迹飛鳥外晚煙碧調憐舊日南樓老子最愛月明吹笛到  
而今撲面黃塵欲歸未得

瑞鶴仙上供倅壽

黃金堆到斗怎得似長年畫堂勸酒蟻眉最明秀向水沈煙  
裏兩行紅袖笙歌擱就爭說道明年時候被常娥做了殷勤

仙桂一枝入手 知否風流別駕近日人呼文章太守天長  
地久歲二上乃翁壽記從來人道相門出相金印纍二俛有  
但直須周公拜前魯公拜後

滿江紅 賀王宣子平湖南寇

笳鼓歸來 牽鞭問何如 諸葛人道是 匆二五月渡瀘 深入白  
羽風生 貔虎嘯青溪 路斷猩鼯泣 早紅塵一騎 落平崗 捷書  
急 三万卷龍頭 客渾未得 文章力把 詩書馬上 笑驅鋒鏑  
金印明年如斗大 貂蟬却自堯鑿出 待刻公勲業 等雲霄 涪  
溪石

滿江紅 感興

過眼溪山 恁都似 舊時曾識 還記得 夢中行 遍江南 江北佳  
處 徑須携杖去 能消幾緡 平生殺笑 塵勞三十九年 非長爲  
客 吳楚地 東南拆 英雄事 曹劉敵 被西風吹盡了 无陳迹

樓觀才成人已去  
旌旗未卷頭先白  
嘆人間哀樂轉相尋  
今猶昔

滿江紅 送鄭舜李赴召

湖海平生筭不負  
蒼髯如戟聞道是君王  
着意太平長策此  
老自當兵十萬  
長安正在天西北  
便鳳凰飛詔下  
天來催歸  
急車馬路兒童泣  
風雨暗旌旗濕  
看野梅官柳春風消息  
莫向蔗菴追笑語  
只今松竹無顏色  
問人間誰管別離愁  
杯中物

祝英臺近 春晚

寶釵分桃葉  
度煙柳暗南浦  
怕上層樓十日九風雨  
斷腸點點飛紅都無人管  
倩誰喚流鶯聲住  
鬢邊覩試把花卜歸期  
才簪又重數  
羅帳燈昏  
哽咽夢中語  
是他春帶愁來  
春歸何處  
又不解帶將愁去

水調歌頭 盟鷗

帶湖吾甚愛，千丈翠奩開。先生無事杖履，一日走千回。我  
同盟鷗鷺，今日既盟之後，來往莫嫌猜。白鶴在何處，嘗試去  
偕來。破青萍，排翠藻，立蒼苔。窺魚笑汝癡計，不解幸吾杯。  
廢沼荒丘疇昔，明月清風此夜，人世幾懽哀。東岸綠陰少，楊  
柳更須栽。

水調歌頭

折尺武昌柳，挂席上瀟湘。二年魚鳥江上，笑我往來忙。富貴  
何時休問，離別中年堪恨。憔悴鬢成霜。絲竹陶寫耳，急羽且  
飛觴。序蘭亭，歌赤壁，綉衣香。使君千騎，鼓吹風采，漢侯王。  
莫把離歌頻唱，可惜南樓佳處，風月已淒涼。在家貧亦好，此  
語試平章。

醉江月 登賞心事



我來吊古上危樓，贏得闌愁。千斛虎踞龍盤，何處是、只有吳  
王。滿目柳外斜陽，水邊歸鳥。攏上吹喬木片帆，西去一聲誰  
噴霜竹。却憶安石風流，東山歲晚，淚落哀箏曲。兪輩功名  
都付与，長日惟消碁局。寶鏡難尋，碧雲將暮，誰勸盃中綠。江  
頭風怒，朝來波浪，翻屋

醉江月 西湖和人韻

晚風吹雨戰新荷，聲亂明珠。蒼壁誰把香奩，收寶鏡、雲錦周  
遭。紅碧飛鳥翻空，游魚吹浪，慣聽箏歌席坐中。豪氣看君一  
飲千石。遙想處士風流，鶴隨人去，已作飛仙客。茅舍竹籬  
今在否，松竹已非疇。昔欲說當年望湖樓下水，与雲寬窄，醉  
中休問，斷腸桃葉消息。

醉江月 春恨

野棠花落，又匆匆過了清明時節。剗地東風欺客夢，一枕銀

屏寒怯曲岸持觴垂楊立馬此地曾經別樓空人去舊遊飛  
燕能說聞道綺陌東頭行人曾見簾底纖一月舊恨春江  
流不尽新恨雲山千疊料得明朝尊前重見鏡裏花難折也  
應驚問近來多少華髮

水龍吟賞心亭

楚天千里清秋水隨天去秋无際遙岑遠目獻愁供恨玉簪  
螺髻落日樓頭斷鴻聲裏江南游子把吳鉤看了欄干拍遍  
無人會登臨意休說鱸魚堪膾西風季鷹來未求田問  
舍怕應羞見劉郎才氣可惜流年憂愁風雨樹猶如此倚何  
人喚取紅巾翠袖搵英雄淚

水龍吟壽韓南澗

渡江天馬南來幾人真是經綸手長安父老新亭風景可憐  
依舊夷甫諸人神州沈陸幾曾回首直隸平戎方壘功名本是

真儒事君知否 况有文章山斗對桐陰滿庭清書當年墮  
地而今試看風雲奔走綠野風煙平泉草木東山歌酒待他  
年整頓乾坤事了為先生壽

水龍吟 再壽韓南澗

玉皇金殿微涼看公一試薰風手高門畫戟桐陰聞道青二  
如舊蘭佩空芳蛾眉誰妬无言搔首甚年二却有呼韓塞上  
人爭問公安否 金印明年如斗向中州錦衣如畫依然盛  
事貂蟬前後鳳麟飛走富貴浮雲我評軒冕不如杯酒待從  
今痛飲八千餘歲伴松椿壽

水龍吟 題南劔双溪樓

牽頭西北浮雲倚天万里酒長劔人言此地夜深長見斗牛  
光燄我竟山高潭空水冷月明星澹待焚犀下看憑欄却怕  
風雷怒魚龍慘 峽束滄江對起過危樓欲飛還歛元龍老

矣不妨高卧冰壺涼簟千古興亡百年悲笑一時登覽問何人又卸片帆沙際繫斜陽纜

木蘭花漫送張仲固師興元

漢中開漢業問此地是郎非想劔指三秦君王得意一戰東  
歸追亡事今不見但山川滿目淚沾衣落日胡塵未斷西風  
塞馬空肥 一編書是帝王師小試去征西更草二離筵勿  
勿去路愁滿旌旗君思我回首處正江涵秋影鴈初飛安得  
車輪四角不堪帶減腰圍

木蘭花慢送除州范倅

老來情味減對別酒惜流年更屈指中秋十分好月不照人  
圓无情水都不管共西風只等送歸船秋晚尊鱸江上夜深  
兒女燈前 征衫便好去朝天王殿正思賢想夜半恩綸留  
教視草却遣籌邊長安故人問我道愁腸帶酒只依然目斷

秋霄落鴈醉來時響空弦

摸魚兒暮春

更能消幾番風雨。匆匆春又歸去。惜春長怕花開早。何況落  
紅無數。春且住。見說道天涯芳草無歸路。怨春不語。算只有  
殷勤畫簷蛛網。日日惹飛絮。長門事。準擬佳期。又謀娥眉  
曾有人妬。千金縱買相如賦。脈脈此情誰訴。君莫舞。君不見  
玉環飛燕。皆塵土。閑愁最苦。休去倚危欄。斜陽正在煙柳斷  
腸處。

最高樓洪內翰慶七十

金閨老眉壽。正如川七十。且華筵樂天詩句。香山裏杜陵酒。  
債曲江邊問。何如歌窈窕舞嬋娟。更十歲太公方出將。又  
十歲武公才入相。留盛事看明年。直須腰下添金印。莫教頭  
上欠貂蟬。向人間長富貴地行仙。

最高樓 梅花

花知否花似何郎又似沈東陽瘦稜二地天然白冷清二地  
許多香笑東君還又趁北枝忙 着一陣霎時間底雪着一  
个缺些兒底月山下路水邊墻清香怕有人知 忽蒼松側畔  
竹旁相恁禁他挑与李少年場

千秋歲

建康壽史致道

塞垣秋草又報平安好樽俎上英雄表金湯生氣象珠玉霏  
談笑春近也梅花得似人難老 莫惜金樽倒鳳詔看二到  
留不住江東小從容帷幄裏整頓乾坤了千百歲從今尽是  
中書考

沁園春

退閒

三逕初成鶴怨猿驚稼軒未來甚雲山自許平生意氣衣冠  
人笑抵死塵埃意倦須還身閑要早豈爲尊羹鱸膾哉秋江

上看驚弦鴈避駭浪船回  
東崗更茸茅齋好都把軒窗臨  
水開要小舟行釣先應種柳疎籬護竹莫礙觀梅秋菊堪餐  
春蘭可佩留待先生手自我沈吟久怕君恩未許此意徘徊

沁園春

將止酒戒酒杯

杯汝來前老子今朝點檢形骸甚長年抱病咽如焦釜于今  
喜眩氣似奔雷汝說劉伶古今達者醉後何妨死便埋渾如  
此歎汝於知己真少恩哉更憑歌舞爲媒筭合作平居媿  
毒猜况愁无小大生於所愛物无美惡過則爲灾与汝成言  
勿留亟退吾力猶能肆汝杯二再拜道麾之即去招則須來

声

二慢

滁州作奠枕樓

征埃成陣行客相逢都道幻出層樓指點簷牙高處浪湧雲  
浮今年太守万里罷長淮千騎臨秋凭欄望有東南佳氣西  
北神州千古懷嵩人去還笑我身在楚尾吳頭見說弓刀

陌上車馬如流從今賞心樂事剩安排酒令詩籌華胥夢願  
年二人似舊遊

洞仙歌 壽葉丞相

江頭父老說新來朝野都道今年太平也見朱顏綠鬢玉帶  
金魚相公是舊日中朝司馬 遙知宣勸後東閣華燈別賜  
仙韶接元夜問天上幾多春只似人間但長見精神如畫好  
都取山河獻君王看父子貂蟬玉京迎駕

鷓鴣天 春日即事

春入平原蒼菜花新耕雨後落群鴉多情白髮春无柰晚日  
青帘酒易賒 閑意態細生涯牛欄西畔有桑麻青裙縞袂  
誰家女去趁蚕生看外家

鷓鴣天 秋意

枕簟溪堂冷欲秋斷雲依水晚來收紅蓮相倚渾如怨白鳥



無言定自愁 書咄二且休一丘一壑也風流不知筋力  
衰多少但覓新來懶上樓

鷓鴣天 春行即事

着意尋春懶便回何如信步兩三盃山才好處行還倦詩未  
成時雨早催 携竹杖更芒鞋朱二粉二野蒿開誰家寒食  
歸寧女笑語柔桑陌上來

鷓鴣天 東陽道中

撲面征塵去路遙香篝漸斃水沈消山无重數周遭碧花不  
知名分外嬌 人歷二馬蕭二旌旗又過小紅橋愁邊剩有  
相思句搖斷吟鞭碧玉梢

鷓鴣天

陌上柔桑初破芽東隣蚕種已生些平崗細草鳴黃犢斜日  
寒林點暮鴉 山遠近路橫斜青旗沽酒有人家城中桃李

愁風雨春在溪頭蒼菜花

菩薩蠻 書江西造口壁

鬱孤臺下清江水中間多少行人淚西北望長安可憐無數  
山 青山遮不住畢竟江流去江晚正愁予山深聞鷓鴣

菩薩蠻

稼軒日向兒童說帶湖買得閑風月頭白早歸來種花二已  
開 功名渾是錯更莫思量着見說小樓東好山千萬重

鵲橋仙 和廓之弟送祐之歸浮梁

小窻風雨從今便憶中夜笑談清軟啼鴉衰柳自無聊更管  
得離人腸斷 詩書事業青氈猶在頭上貂蟬會見莫貪風  
月卧江湖道日近長安路遠

蝶恋花 送祐之弟

衰草殘陽三方頃不筭飄零天外孤鴻影幾許悽涼須痛飲

行人自向江頭醒 會少離多看兩鬢  
萬縷千絲何況新來病不是離愁難整頓  
被他引惹其他恨

蝶恋花

戊申元日立春

誰向椒盤簪彩勝 整韶華爭上春風鬢  
往日不堪重記省 爲花長抱新春恨  
春未來時先借問 晚根開遲早又飄零  
近今歲花期消息定 只愁風雨無憑準

蝶恋花 別意

莫向城頭聽漏點 說与行人默 三情千方揔是離愁無近遠  
人間兒女空恩怨 錦綉心曾冰雪面 舊日詩名曾道空梁  
燕傾蓋未償平日願 一盃早唱陽關勸

霜天曉角

惜別

吳頭楚尾 一棹人千里 休說舊愁新恨 長亭樹今如此 宦  
游吾倦矣 玉人留我醉明日 落花寒食得且住 爲佳耳

清平樂

村居

茅簷低小溪上青二草醉裏蠻音相媚好白髮誰家翁媪  
大兒鋤豆溪東中男正織雞籠最喜小兒無賴溪頭卧剥蓮蓬

清平樂

爲兒鐵柱作

靈皇醮罷福祿都來也試引鷓鴣花樹下斷了驚二怕二  
從今日二聰明更宜潭妹嵩兄看取辛家鐵柱无灾无難公卿

西江月

秀骨青松不老新詞玉佩相磨靈槎準擬泛銀河剩摘天星  
幾個奠枕樓東風月駐春亭上笙歌留君一醉意如何金  
印明年斗大

喜遷鶯

荷花

暑風涼月愛亭二  
無數綠衣持節掩冉如羞參差似妬擁出  
芙蓉花發步襯潘娘堪恨兒比六郎誰潔添白鷺晚晴時公  
子佳人並列  
休說拳木末當日靈均恨与君王別心阻媒  
勞交踈怨極恩不甚号輕絕千古離騷文字芳至今猶未歇  
都休問但千杯快飲露荷翻葉

賀新郎

自述

甚矣吾衰矣  
悵平生交游零落只今餘幾白髮空垂三千丈  
一笑人間万事問何物能令公喜我見青山多妩媚料青山  
見我應如是情与兒略相似  
一尊搔首東窗裏想淵明停  
雲詩就此時風味江左沈酣求名者豈識濁醪妙理回首叫  
雲飛風起不恨古人吾不見恨古人不見吾狂耳知我者二三子

京仲遠

名鐘豫章人 寧宗朝  
拜相有樂章名松坡詞

滿江紅 中秋前同二使者賞月

乘興西來問誰是平生相識筭唯有瑤臺明月照人如昔  
万里清涼銀世界放教千丈冰輪出便招邀我輩上層樓橫孤  
笛 陰晴事人難必懽樂處天常惜幸星稀河淡雲收風息  
更着兩賢陪勝賞此身如与塵寰隔笑謫仙對影足成三空  
孤寂

漢宮春 上元前一日立春

暖律初回又燒灯市井賣酒樓臺誰將星移万點月滿千街  
輕車細馬隘通衢蹴起香埃今歲好土牛作伴挽留春色同  
來 不是天公省事要一時壯觀特地安排何妨綵樓鼓吹  
綺席樽壘良宵勝景語邦人莫惜徘徊休笑我癡頑不去年  
年爛醉金釵

洞仙歌 次王漕賞海棠韻

東皇著意妙出粧春手點綴名花勝於綉向魚鳧國裏琴鶴  
堂前仍共賞蜀錦堆紅炫晝妖饒真艷麗盡是天然莫恨  
无香欠檀口幸今年風雨不苦摧殘還肯爲遊人再三留否  
筭魏紫姚黃號花王若定價收名未應居右

賀新郎

中秋

試与嫦娥語問因何年二此夜月明如許万頃鎔成銀世界  
是处玉壺風露又豈比尋常三五变化乾坤同一色竟星躔  
斗柄皆回互須要我共分付平生脚踏紅塵处謾紛二雞  
蟲厚薄燕鴻來去只有嬋娟多情在依舊當時雅素空自歎  
歸心難住留取清光岷江畔照扁舟送我章江路頻滿引莫  
匆遽

木蘭花慢

重九

筭秋來景物皆勝賞况重陽正露冷欲霜煙輕不雨玉宇開

張蜀人從來好事遇良辰不肯負時光藥市家二簾幙酒樓  
處二絲簧 婆娑老子與難忘聊復与平章也隨分登高茱  
萸綴席菊藥浮觴明年未知誰健笑杜陵底事獨淒涼不道  
頻開笑口年二落帽何妨

姚令威 名寬 西溪

菩薩蠻 春愁

斜陽山下明金碧畫樓返照融春色睡起揭簾旌玉人蟬鬢  
輕 无言空佇立花落東風急燕子引愁來眉心那得開

菩薩蠻 別恨

夢中不記江南路玉釵翠鬢驚春去午醉晚來醒暝煙花上  
輕 紅綃空浥淚錦字憑誰寄衫薄暖香銷相思雲水遙

怨王孫 春情



毳二楊柳綠初低澹二梨花開未齊樓上情人聽馬嘶憶郎  
歸細雨春風濕酒旗

生查子 情景

郎如陌上塵妾似堤邊絮相見兩悠悠揚蹤跡无尋處 酒面  
撲春風淚眼零秋雨過了別離時還解相思否

踏莎行 秋思

蘋葉煙深荷花露濕碧芦紅蓼秋風急採菱渡口日將沉飛  
鴻樓上人空立 彩鳳難雙紅綃暗泣回紋未剪吳刀澁夢  
雲歸處不留蹤厭二一夜涼蟾入